

**Kronologi Himpunan Sejuta Umat  
mStar Online  
Oktober 22, 2011  
Oleh MUHD BASYAR MUSTAPHA**

**SHAH ALAM:** Berikut adalah kronologi suasana menjelang Himpunan Sejuta Umat (Himpun) yang diadakan di Stadium Shah Alam di sini pada Sabtu.

6.15 petang: Perhimpunan Himpun tamat selepas bacaan doa oleh Exco Kerajaan Negeri Selangor, Datuk Dr Hasan Ali.

Peserta Himpun mula bersurai.

5.45 petang: Mufti Perak, Harussaini Zakaria memberi ucapan beliau di hadapan hampir empat ribu hadirin yang masih setia mendengar pidato Himpun.

Harussaini adalah pemedato terakhir dalam Himpun.

5.30 petang: Wakil ISMA, Abdullah Zaid Abd Rahman memberi pidato dengan menekankan supaya org Islam harus mengingati amanah nenek moyang yang telah berpegang kpd Islam.

5.20 petang: Ketua Perkasa Selangor, memberi ucapan beliau mengenai institusi Raja Melayu dan agama Islam.

5.05 petang: Bekas Naib chancelor UiTM, Tan Sri Ibrahim Shah menyampaikan ucapan beliau mengenai gejala murtad di negara ini.

4.45 petang: Wakil Gabungan Wawasan Generasi Felda (GWGF) menjadi pemedato keempat.

4.15 petang: Bekas Paderi Kristian dari Sabah, Farhan Abdullah menyampaikan ucapan dan pengalaman beliau dalam isu murtad.

4.05 petang: Wakil pemedato Wanita yang juga penulis novel, Natrah, Datin Fatini Yaacob menyampaikan ucapannya mengenai isu murtad

3.45 petang: Ahli akademik, Dr Azhar Yakub menjadi pemedato kedua berucap.

3.30 petang: Pengerusi Bersama Himpun, Dr Mohd Yusri Mohamad menyampaikan ucapan kepada hadirin.

3.05 petang: Beberapa peserta Himpun dilihat membakar risalah provokasi sebagai tanda protes.

3 petang: Orang ramai mula membanjiri stadium Shah Alam untuk menyertai perhimpunan.

2.45 petang: Pengerusi majlis, Badrul Sani Baharuddin membuat ucapan untuk menyampaikan rasa kesal dan marah kerana ada pihak yang tidak bertanggungjawab telah mengedarkan risalah berunsur provokasi kepada peserta Himpun.

2.15 petang: Nyanyian lagu nasyid mula dipersembahkan di dalam stadium. Antara kumpulan nasyid yang membuat persembahan adalah Rabbani dan Hijjaz.

2.10 petang: Orang ramai mula membanjiri Stadium Shah Alam untuk menyertai perhimpunan.

2 petang: Kira-kira 20 buah bas tiba di Stadium Shah Alam dengan peserta Himpunan Sejuta Ummah.

1.55 petang: Hampir seribu orang yang memakai kemeja T putih dilihat berarak dari Menara Puncak Niaga menuju ke Stadium Shah Alam.

Hakcipta Terpelihara © 1995-2011 Star Publications (Malaysia) Bhd

Source:

[http://mstar.com.my/berita/cerita.asp?file=/2011/10/22/mstar\\_berita/20111022140628&sec=mstar\\_berita](http://mstar.com.my/berita/cerita.asp?file=/2011/10/22/mstar_berita/20111022140628&sec=mstar_berita)